



*Unioni de is Cumunus de su Partiolia e  
Campidanu de Bàsciu  
Ufitziu Lìngua e Cultura Sarda*



*Cumunu de Dolianova  
Provintzia de Casteddu  
Ufitziu Lìngua e Cultura Sarda*

*In iscola is  
piciocheddus fueddant  
in sardu !*

S' Ufitziu po sa Lìngua e sa Cultura sarda  
est a dispositzioni de sa genti, assòtzius,  
maistus de iscola, professoris e istudentis po  
dònna informatzioni, duda, curiosidadis,  
bibliografia, sitografia asuba de sa Lìngua  
Sarda, po consulèntzias didàticas e po  
cuntzillus asuba de is règulas de iscritura de  
su sardu

Orariu de obertura po sa genti:  
**Cenàbara de is 8.30 a is 13.30**  
Tel. 3405435003  
Operadori Dr. Priamo Farris

*Annu I, n.3  
Làmpadas 2013*

*Novas*

# **CUNFERÈNTZIA S'ANEMIA DE SU MARI NOSTU E SU FAVISMU IN SARDINNA**

*Mercunis 5 de Làmpadas a is 10.30 de a mangianu in su Circulu Dolia si funt atobiaus is piciocheddus de sa Scola Mèdia Zuddas, Renata Mura, s'Assessori po sa Saludi, Elisabetta Cara, s'Assessori po sa Cultura, Maria Bonaria Zandara de sa Scola Mèdia Zuddas, Rita Congiu de su Spidali Microcitemicu de Casteddu, Priamo Farris de s'Ufitziu po sa Lingua e Cultura Sarda, is Operadoris de sa Misericòrdia de Dolianova e atrus de su setori; nci fiat su diretori e autoridadis de iscola puru acumpangiaus de genti meda. Sa cunferèntzia est inghitzada cun sa presentada in sardu de Renata Mura chi at amostau su "Progetu" fatu in iscola afirmendi s'importu mannu chi tenit sa preventzioni sanitària*

*arriguardu su favismu e sa maladia de su Mari Nostu. A sighiri Elisabetta Cara at postu in craru sa funtzioni chi at tentu su progetu acumpangiau de is traballus fatus in Limba chi depit èssiri imperada e valoritzada in dònna aspetu.*

*Priamo Farris at presentau su chi fàiri s'Ufitziu e is traballus fatus in iscola cun is istudentis.*

*Su diretori de sa Scola Zuddas, Paolo Porcu, torrendi gràtzias a is is aministradoris e a is operadoris po su chi ant fatu e chi faint, at postu in craru s'importu de sa scola sa cumunidadi doliensa.*

*S'aspetu scientificu de sa talassemia e su favismu est istétiu presentau de sa dotora Rita Congiu chi cun su fueddu e is figuras at fatu a biri totu s'evoluzioni insoru e at donau connoscèntzias noas po pòdiri scansai e/o po bìviri mellus is maladias.*

*Sa giorronada est istétia alluta meda con su traballu fatu de is imparadoris de is tertzas mèdias insunterus de is letzionis fatas in iscola cun Priamo Farris; issus ant tradusiu in sardu*

*"Sa storia de Fabiu" chi est unu scritu in italianu fatu de istudiosus chi bolint fàiri connòsciri sa maladia de su Mari Nostu cun allirghia e prexeri e dd'ant presentada ligendidda innui donniunu teniat una parti cosa sua.*

*Tzacadas de manus fortis ant tentu is piciocheddus e is piciocheddas!!!*

*Po acabai is operadoris bonus de sa Misericòrdia de Dolianova ant donau a is istudentis s'atestau de partecipazioni a su cursu chi ant fatu in iscola ocannu.*

